

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠANJ
Broj: 39 0 K 078553 25 K
Dana, 06.11.2025. godine

U IME FEDERACIJE BIH!

Općinski sud u Tešnju, sudija Bekrić Hidajeta, uz sudjelovanje zapisničara Mehinović Hidajete, u krivičnom predmetu optuženog H. E. zv. H., sin E., iz M., ul. Š. br. ..., općina Doboj Jug, zbog krivičnog djela Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine, po optužnici Kantonalnog tužilaštva ZE-DO kantona Zenica broj T04 0 KT 0057442 25 od 15.09.2025. godine, nakon održanog pretresa za izricanje krivično-pravne sankcije u prisutnosti tužitelja Kantonalnog tužilaštva ZE-DO kantona Ahmetlić Amre, optuženog i njegovog branioca po službenoj dužnosti Močević Azre, uposlenika Kantonalne pravne pomoći Zenica, dana 06.11.2025. godine, donio je sljedeću:

P R E S U D U

Optuženi H. E. zvani „H.“, sin E. i S. rođene B., rođen 17.12.1997. godine u Z., nastanjen u ulici Š. broj ... u mjestu M., općina Doboj Jug, po narodnosti Bošnjak, državljanin BIH, JMB ..., pismen sa završenom SSS, po zanimanju tehničar za mehatroniku, nezaposlen, neoženjen, nije služio vojsku, ne vodi se u vojnoj evidenciji, srednjeg imovnog stanja, neosuđivan, ne vodi se drugi krivični postupak protiv njega,

K R I V J E

Što je:

Dana, 06.03.2024. godine, oko 23,45 sati, na području općine Tešanj, u mjestu J., u ulici B. BiH, suprotno odredbama člana 4 stav 1, 2, 3 i 5 i člana 19 i 20 Zakona o sprečavanju i suzbijanju zloupotrebe opojnih droga u BiH, iako je bio svjestan i znao da se radi o opojnoj drogi i da je držanje i prodaja droge zabranjena, što je i htio, radi dalje prodaje neovlašteno držao 10 (deset) prozirnih PVC paketića u kojima se nalazila bijela praškasta materija neto masa: 2,109 grama, 2,105 grama, 2,089 grama, 1,170 grama, 2,136 grama, 2,159 grama, 5,973 grama, 5,181 grama, 2,222 grama, 0,255 grama, za koju je vještačenjem utvrđeno da sadrži psihoaktivnu komponentu „amfetamin“ poznatu kao „SPEED“, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, zatim 4 (četiri) prozirna PVC paketića sa sadržajem suhe zeljaste materije, zelene boje, neto masa 8,944 grama, 9,007 grama, 4,711 grama, 7,906 grama, za koju je vještačenjem utvrđeno da sadrži opojnu drogu „cannabis, tetrahidrokanabinol (THC) koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, te tri tablete roze boje ukupne neto mase 1,550 grama i jedan bijeli PVC paketić sa sadržajem žute praškaste materije neto mase 0,538 grama za koje je vještačenjem utvrđeno da sadrže psihotropnu komponentu „metilendioksimetamfetamin (MDMA) koja je pod rednim brojem 12 Liste o utvrđivanju spiska opojnih droga, psihotropnih tvari, biljaka iz kojih se može dobiti opojna droga i prekursora Tabela I-2 Popisa psihotropnih tvari („Službeni glasnik BiH br. 8/06 od 07.02.2006. godine“), proglašen za psihotropnu tvar, a koju drogu je istog dana prilikom saobraćajne kontrole dobrovoljno predao ovlaštenim službenim licima PS Tešanj na potvrdu o privremenom oduzimanju predmeta PS Tešanj broj: 08-02-11/1-45-26/24 od 07.03.2024. godine,

dakle, radi prodaje držao opojnu drogu,

čime je učinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH, pa mu se na osnovu istih zakonskih odredaba i odredaba čl. 42. i 62. stav 1. KZ FBiH izriče

UVJETNA OSUDA

Kojom se optuženom za počinjeno krivično djelo utvrđuje kazna zatvora u trajanju od 1 (jedne) godine i istovremeno određuje da se ista neće izvršiti ukoliko optuženi u roku od 2 (dvije) godine dana, a računajući od dana pravosnažnosti presude, ne učini novo krivično djelo.

U smislu odredaba člana 78. i 238. stav 4. Krivičnog zakona Federacije Bosne i Hercegovine optuženom se izriče mjera sigurnosti oduzimanja predmeta i privremeno oduzeti predmeti, i to: 10 (deset) prozirnih PVC paketića u kojima se nalazi amfetamin u količinama 2,109 grama, 2,105 grama, 2,089 grama, 1,170 grama, 2,136 grama, 2,159 grama, 5,973 grama, 5,181 gram, 2,222 grama, 0,255 grama (ostatak: 2,086 grama, 2,079 grama, 2,065 grama, 1,142 grama, 2,108 grama, 2,130 grama, 5,944 grama, 5,152 grama, 2,193 grama, 0,299 grama), tetrahidrokanabinol (THC) neto mase 8,944 grama, 9,007 grama, 4,711 grama, 7,906 grama (ostatak: 8,913 grama, 8,980 grama, 4,690 grama, 7,877 grama) i metilendioksimetamfetamin (MDMA) ekstazy, 3 roze tablete ukupno neto mase 1,550 grama (ostatak: 1,510 grama) i praškasta materija 0,538 grama (ostatak: 0,519 grama), trajno se oduzimaju, a količina preostala nakon vještačenja ima se uništiti.

Naređuje se Komisiji za uništenje opojne droge formirane pri Vijeću Ministara BiH da odmah po prijemu naloga za izvršenje mjere sigurnosti a najdalje u roku od mjesec dana od PU IV PS Tešanj oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekusora.

Optuženi se obavezuje na plaćanje troškova krivičnog postupka u paušalnom iznosu od 50,00 KM u roku od 30 dana od dana pravosnažnosti presude.

O b r a z l o ž e n j e

Kantonalno tužilaštvo ZE-DO kantona Zenica optužnicom T04 0 KT 0057442 25 od 15.09.2025. godine optužilo je Hopić Edina, zbog krivičnog djela Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine (u daljem tekstu: KZ FBiH), počinjenog na način, vrijeme i mjesto kako je to pobliže opisano u optužnici, temeljeći optužbu na dokazima koji su predloženi u optužnici.

Sudija za prethodno saslušanje ovog suda potvrdio je navedenu optužnicu dana 19.09.2025. godine.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a, poučen o svojim pravima izjavio je da je izvršio radnje na način, vrijeme i u mjestu kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumijevanjem da je optuženi svjestan svih posljedica i obaveza koje proističu iz priznanja krivnje, te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage, i to: Zapisnik o uviđaju PS Tešanj broj: 08-02-11/1-1-52/24 od 07.03.2024. godine, Potvrdu o privremeno

oduzimanju predmeta PS Tešanj, broj: 08-02-11/1-45-26/24 od 07.03.2024. godine, Zapisnik o izvršenoj radnji privremenog oduzimanja predmeta i popisu privremeno oduzetih predmeta PS Tešanj, broj: 08-02-11/1-10/24 od 07.03.2024. godine, Odobrenje za otvaranje i pregled privremeno oduzetih predmeta Kantonalnog tužilaštva ZDK broj: T04 0 KTA 0057442 24 od 14.03.2024. godine, Zapisnik o otvaranju i pregledu privremeno oduzetih predmeta i dokumentacije PS Tešanj, broj: 08-02-11/1-1-52/24 od 21.03.2024. godine, Naredba za vještačenje Kantonalnog tužilaštva ZDK broj: T04 0 KTA 0057442 24 od 14.03.2024. godine, Nalaz i mišljenje FUP Sarajevo, centar za forenziku broj: 11-18/2-03-5-662 od 13.03.2025. godine, Fotodokumentaciju PS Tešanj, broj: 45/24 od 21.03.2024. godine, sa datumom izrade od 31.05.2024. godine, Izvod iz kaznene evidencije za H. E. od 03.09.2025. godine, Zapisnik o ispitivanju osumnjičenog H. E. PS Tešanj broj: 08-02-11/1-17-188/24 od 07.03.2024. godine, pa je nakon ocjene provedenih dokaza i utvrdio da je optuženi počinio radnje opisane u dispozitivu ove presude, odnosno da je optuženi kod sebe držao radi dalje prodaje 10 paketića praškaste materije neto mase 2,109 grama, 2,105 grama, 2,089 grama, 1,170 grama, 2,136 grama, 2,159 grama, 5,973 grama, 5,181 gram, 2,222 grama, 0,255 grama, za koju materiju je vještačenjem utvrđeno da sadrži psihoaktivnu komponentu amfetamin, 4 paketića zeljaste materije neto mase tetrahidrokanabinol (THC) neto mase 8,944 grama, 9,007 grama, 4,711 grama, 7,906 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC) u procentu većem zakonom propisanog, te da predstavlja opojnu drogu cannabis i tri roze tablete ukupno neto mase 1,550 grama i jedan paketić žute praškaste materije neto mase 0,538 grama, za koju materiju je utvrđeno vještačenjem da sadrži psihotropnu komponentu metilendioksimetamfetamin (MDMA)-ekstasy, da je znao da se radi o materiji čije je posjedovanje i promet zabranjen, a da je istu držao kod sebe radi prodaje, potvrđuje broj paketića i broj tableta koje je posjedovao, pa je optuženi i bio svjestan svog djela i htio njegovo izvršenje.

Uvjerjenje suda je da je do priznanja krivnje došlo sa razumijevanjem, te da je optuženi svjestan svih posljedica i obaveza koje proističu iz priznanja krivnje, te da postoji dovoljno dokaza o krivnji optuženog, pa je sud i prihvatio priznanje optuženog.

Budući da je odredbom člana 3. tačka 1. Zakona o sprečavanju i suzbijanju zloupotrebe opojnih droga (Sl. Glasnik BiH br. 8 od 07.02.2006. godine) propisano da je opojna droga svaka tvar prirodnog ili umjetnog porijekla koja je uvrštena u popis opojnih droga u skladu s međunarodnim konvencijama o nadzoru nad opojnim drogama ili na temelju odluke nadležnih tijela u Bosni i Hercegovini, a da su odredbom člana 4, 19. i 20. istog Zakona propisane opće zabrane, odnosno da je posjedovanje opojnih droga i psihotropnih supstanci dozvoljeno samo u medicinske, veterinarske i naučne svrhe, te pošto je utvrđeno da tablete i jedan paketić praškaste materije koji su pronađeni kod optuženog, sadrže psihoaktivnu komponentu „metilendioksimetamfetamin“ (MDMA), praškasta materija koja je bila zapakovana u 10 paketića sadrži psihoaktivnu komponentu „amfetamin“, te da 4 paketa zeljaste materije sadrže psihoaktivnu komponentu tetrahidrokanabinol (THC), te da predstavljaju opojnu drogu koja se nalazi na popisu opojnih droga psihotropnih tvari biljaka iz kojih se može dobiti opojna droga i prekusura, to je optuženi i postupao suprotno odredbama člana 4, 19. i 20. Zakona o sprečavanju i suzbijanju zloupotrebe opojnih droga.

Kako krivično djelo Neovlaštena proizvodnja i stavljanje u promet opojnih droga iz člana 238. stav 1. KZ FBiH čini onaj ko neovlašteno proizvodi, prerađuje, prodaje ili nudi na prodaju ili radi prodaje kupuje, drži ili prenosi ili posreduje u prodaji ili kupovini ili na drugi način neovlašteno stavlja u promet materije ili pripravke propisom proglašene opojnim drogama, to se u radnjama optuženog stiču sva bitna obilježja krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. KZ FBiH, pa kako je optuženi bio svjestan svog djela i htio njegovo izvršenje, a ne postoje okolnosti koje isključuju odgovornost optuženog, to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaje izvršenje djela koje mu se stavlja na teret, da je mlad, trenutno nezaposlen, da je neosuđivan, da vodi brigu o majci i nani, a od otežavajućih okolnosti nije našao ništa, pa imajući u vidu vrstu i količinu pronađene i oduzete opojne droge, to je sud optuženom izrekao mjeru upozorenja, tj. uvjetnu osudu kojom je optuženom utvrdio kaznu zatvora u trajanju od jedne godine i istovremeno odredio da se ista neće izvršiti ukoliko optuženi u roku od dvije godine ne učini novo krivično djelo, a računajući od dana pravosnažnosti ove presude, smatrajući da je ova krivično pravna sankcija adekvatna težini krivičnog djela, kao i ličnosti učinioca i da će se izrečenom uvjetnom osudom, koja predstavlja prijetnju kazne, postići kako opšta svrha krivičnih sankcija, a u okviru iste i svrha kažnjavanja, te svrha uvjetne osude iz člana 60. stav 2. KZ FBiH.

U smislu odredaba člana 78. i 238. stav 4. Krivičnog zakona Federacije Bosne i Hercegovine optuženom se izriče mjera sigurnosti oduzimanja predmeta i privremeno oduzeti predmeti i to: 10 (deset) prozirnih PVC paketića u kojima se nalazi amfetamin u količinama 2,109 grama, 2,105 grama, 2,089 grama, 1,170 grama, 2,136 grama, 2,159 grama, 5,973 grama, 5,181 gram, 2,222 grama, 0,255 grama (ostatak: 2,086 grama, 2,079 grama, 2,065 grama, 1,142 grama, 2,108 grama, 2,130 grama, 5,944 grama, 5,152 grama, 2,193 grama, 0,299 grama), tetrahidrokanabinol (THC) neto mase 8,944 grama, 9,007 grama, 4,711 grama, 7,906 grama (ostatak: 8,913 grama, 8,980 grama, 4,690 grama, 7,877 grama) i metilendioksimetamfetamin (MDMA) ekstazy, 3 roze tablete ukupno neto mase 1,550 grama (ostatak: 1,510 grama) i praškasta materija 0,538 grama (ostatak: 0,519 grama), trajno se oduzimaju, a količina preostala nakon vještačenja ima se uništiti.

U smislu odredaba člana 202. stav 1. ZKP-a sud je optuženog obavezao na plaćanje sudskog paušala u iznosu od 50,00 KM, kojeg je dužan platiti u roku od 30 dana od dana pravosnažnosti presude.

Na osnovu svega navedenog odlučeno je kao u dispozitivu ove presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude.

SUDIJA

Bekrić Hidajeta